

Gründliche / warhafftige vnd Auß-
führliche Relation.

Von der denckwürdigen

Niderlag vnd wunderbarlichen Victori, so
mit geringer Anzahl Volckes / wider die Tartaren
vnd andern vnglaubigen Barbarn erhalten
worden.



Auß des General Obristen / an die Rhönigal: Mitt. in
Polen abgangenen Schreiben mit fleiß transcriert, sub Dato
den 23. Junij/diß 1624. Jahr.

Nach dem die Tartaren/welcher Heer bey 60000. Reutter stark / den Kratz *Premislienz* mit Feur vnd Schwerd verheerten / hab ich mein Lager zum Fluß *Thrim* vnder dem Flecken *Martinovv* auffgeschlagen / mit dem Intent vnd Rath / auff daß ich den Feind im vmbkehren mit Raub vnd Gefangenen / am oberfahren des Wassers verhinderte / auch Mittel vnd Gelegenheit suchte / mit dem Barbarische Volck zu treffen. Aber nach dem ich *Aviso* bekommen / vnd selbst vermerckt / daß der Feind dahin *resolvirt* / vñ ihm fürgenommen / daß er mich so lang mit *Velitationibus* vnd Scharmützeln auffhalten wolt / biß er sich ober daß Wasser mit dem Troß begeben könt: bin ich hinder ruck gewichen / der Forcht vñ Flucht ein Zeichen dem Feind gebend / die ganze Nacht in dem *Poplaumicenser* Feld zwischen *Haliciam* vñ *Bolsantium* vuerschrocten gestanden.

Causamir Bassa der Tartaren Oberster / wird erzürnet ober sein Hauptleut vnd Rath / daß sie mich auß ihren Händen zu der Flucht gelassen / mit grossen *furor* vnd Wütigkeit / den anderen Tag mit dem auferlestesten Thail seines Heers mir auff dem Fuß nachgefolget / vnd mit grossen *impetu* vnderschiedlichmal vns zugez

zugesehet. *Promotâ acie* hab ich den Feind / so viel möglich
auffgehalten / vnd in offenes Feld mit dem gangem
Kriegsheer / mit Wagen vnd Gestuck / vom Ruck vnd
Seitten wol bewart vñ *armirt*, allgemach fortgerucket.
Der Feind aber / nach dem er ein wahr Furcht vñ
Flucht der vnserigen vermainte / wird er dardurch bes
ser gemuttet / vnerschrocken vns mit allen Kräfften an
greiffet. Ich auch damals den Rucken nicht gewendet /
noch das Treffen hindangesehet: Aber so bald ich alle
Derter zum Vorthail außgesehen / vñnd mit dem Au
genschein abgenommen, die Posten bestellet / dem Volck
dapffer zugesprochen / seynd die Trümmel gehört wor
den / die Heerpauken geschlagen / vnd auff den Trom
meten *Taratantara* geblasen worden / durch welches al
les vnser Volck sein vnerschrockenen Heldenmuth den
Barbaren zuver siehē gebe, haben wir vns in schlacht
ordnung *presentiert*, mit Ernst zum Treffen angefan
gen / auff den Feind starck zgedrungen / der vns mit
seiner Zahl weit vbertroffen / welches nach dem es bey
drey Stunden gewehret / ist endlich die grosse Meng
deß Barbarischen Volckes mit grosser Vnordnung in
die Flucht gerathen. Damit aber nicht der Feind sei
nem Brauch nach / die vnserigen / welche ihn mit vner
schrockenem Herzen / mit hellem Hauffen nachscheten /
wider angriff / haben wir in wolgeordneter Schlacht
ordnung weiter als ein Meil Weges / dem Feinde mit
frischem

frischem Muth nach vund zügesehet. Endlich nach dem ich vermerckete/ daß er sich zu dem alda gegenwertigen Fluß *retirirte*, hab ich zwölff *turmas* oder geschwader Reutter ihn nachzusetzen *præmittirt*, welch Ritterlicher weiß die Flüchtigen/ von der hohe in die tieffe des Flusses wie die vurnünftigen Thiere/ vñ Vnchristlich Menschen *præcipitirten* vund stürzten/ in dem ein groß Anzahl der Reutter ertruncken / den jenigen aber/ welch mit ihrem Obersten mit schwachen Glieder/ mit dem Wasser noch stritten / nach gefundenem Fluß von den vuserigen / haben sie vund allem Feinde so lang Widerstandt gethan / biß ich nach verlassenem Fußvolck vund *munition* mit der gantzen Reutterey (vorhin geschicket aber Herzey *Chmielesky* Ihr König. May: *Rotmagistrum* mit einer Schaar außersenen Reutter) ankommen bin. Da aber der Feind mein Ankunfft gesehen / hat er bald das Hertz fallen lassen/ alle *impedimenta*, alle Beut / alle geraubete Gütter im Stich gelassen/ Sack vnd Paß hinweg geworffen/ die Gefangenen verlassen/ vnd sich mit der Flucht *salviret*. Nach dem haben sie sumpffichte vnd hochligende Dertter mit ihrem grossen Verlust gesuchet / in welchen wider ein grosse Widerlag geschehen / dann die Wäld/ in welchen zuvor/ durch mein gebietten/ die Bäum nidergehawen / ihre Flucht ganz vnd gar verhinderten.

Darnach ein Theil der Tartaren/ von den Soldaten

ten in verhönderten Oertern erschlagen / auch ein theil
welch sich auß Furcht in den Wald verborgen / von den
Bawren auffgearbeitet worden. Die Felder vñnd
Wald (welch sich auff drey Meil erstrecken) seyn mit
toten Leiber / welches schrocklich anzusehen / bedeckt.
Etlich auß den adlichstien Nürzen gefangen / viel auch
vmbkommen / viel Tartarisch Fahne abgedrungen / viel
Türkisch Panier auch erobert worden seyn. Auß wel-
chem klar abzunemmen / daß durch Nachsehung / oder
vielmehr (welches wol zu mutmassen) auß Befelch
des Türkischen Kayfers vñnd sonderlich *Bassa Silisluen-*
is Ducis die Tartaren diese *expedition* gethan haben.

Der *Causimir Bassa*, ist durch ein Pfeil / vñ drey Ku-
gel verwundet / ob er darvon kommen / ist vnbetwust.
Was der Geschlagenen vñnd Gefangenen Zahl anbe-
langt / können wir noch nit eigentlich wissen / dann die
Zahl ist sehr groß / vñnd die Körper allenthalben zer-
strewet. Dann ich diß bald nach vollendeter Schlacht
Ihr Kön. Mt. hab wollen zu wissen thun.

Darzu ich auch das nicht verhalten kan / daß ohn
Zweiffel vnserem Volck / welches kaum 6000. starck /
Gott sein allmächtig Hand dargereicht / welches ge-
oug bezeugen thut / die wunderbarlich vñnd denckwür-
dig *Victori* von 60000. Tartaren erobert hat doch des-
sen Wahrheit Gott der Allmächtig mit etnem anderem
klaren Zeichen darthun wollen / dann viel auß den
Haupt-

Hauptleutten/ vnd Soldaten/ gesagt (vnder welchen einer dessen *Religion*; vnbetwust / ein dapffer Held Herz Capitan *Tlumaciens* mit schwören bekräftiget) daß sie im Anfang des Schlagens in der Lust auß zweyer Nachbarwren von den Barbarischen Volck angezündeten Häusern oder Hüttlein Rauch/ ein grosses Creutz gesehn/ ihn zusehend je besser vnd besser *efformirt*, welches so lang hinder dem Rücken des Feindlichen Heers gestanden / biß daß die vnserigen Männlich dem da Göttlicher Weiß gereichten Zeichen nach durch die grosse Zahl der Tartaren durchtrungen/ vnd die vbrigen in die Flucht geschlagen.

Zu dem thut auch dieses *miraculum* bestättigen der Barbaren vnglaublich *consternation*, welch nicht allein Fläß/ Pfäß/ Bach / hohe Berg vnd Wälde sondern auch feste Flecken/ *Castel* vnd *Oppida*, mit ihrem grossen Verlust vnd Schaden durch ihr Flucht gesucht.

Ich glaub auch gänzlich der H. *Antonius de Padua*, in welches *Octava* die *Victori* von vns erobert / werd mit seiner Göttlichen Hülff vns bengestanden seyn. An welchem Tag auch glücklicher Weiß das Schloß *Smolocenz* erobert worden.

Dafür wir Gott höchlich zu dancken haben / welcher den Tartaren auß der Finsternuß zum Licht / vns aber Fried gnädig verleyhen wolle / welcher sey in Ewigkeit gelobt vnd gebenedeyet /

A M E N.